



Broj: 10/E-11-3838/24
Sarajevo, ~~27-06-2024~~ godine

Na osnovu člana 69. stav (2) tačka d) i člana 70. stav (1), (4) i (6) („Službeni glasnik BiH“, broj 39/14 i 59/22), člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), na člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke za izvođenje radova na sanaciji stepeništa Pruščakova, putem otvorenog postupka (Zapisnik o pregledu i ocjeni ponuda broj: 10/E-11-3838/24 od ~~27-06-2024~~ godine), Općinski načelnik donosi

ODLUKU

o poništenju postupka javne nabavke

I Poništava se postupak javne nabavke za izvođenje radova na sanaciji stepeništa Pruščakova, putem otvorenog postupka, Obavještenje o nabavci 848-1-3-39-3-74 od 29.05.2024. godine, iz razloga što primljena ponuda nije prihvatljiva.

II Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Образложење

Postupak za javnu nabavku za izvođenje radova na sanaciji stepeništa Pruščakova, pokrenut je Odlukom Općinskog načelnika o pokretanju postupka broj: 10/E-11-3838/24 od 22.05.2024. godine, putem otvorenog postupka.

Obavještenje o nabavci 848-1-3-39-3-74 od 29.05.2024. godine objavljeno je na Portalu javnih nabavke, a Sažetak Obavještenja o nabavci objavljen je u „Službenom glasniku BiH“, broj 39/24 – Oglasnik javne nabavke.

Procijenjena vrijednost javne nabavke iznosi 85.000,00 KM bez PDV-a.

U roku za predaju ponuda koji je određenom tenderskom dokumentacijom (19.06.2024. godine do 11:00 sati), na adresu Ugovornog organa dostavljena je 1 (jedna) ponuda, predata od ponuđača „NERKAL“ d.o.o. Pazarić.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude i rok izvođenja radova, prema potkriterijima „ekonomski najpovoljnija ponuda“, kako slijedi:

R/b	Ponuđač	Ukupna cijena bez PDV-a (KM)	Popust	Ukupna cijena sa popustom i PDV-om (KM)	Rok izvođenja radova (kalendarski dani)
1.	„NERKAL“ d.o.o. Pazarić	83.781,53	/	98.024,39	90

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke

prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom Komisija za nabavku roba, usluga i radova II (u daljem tekstu: Komisija II) je detaljnim pregledom dostavljene ponude ustanovila da ponuđač „NERKAL“ d.o.o. Pazarić nije na str. 7 ponude u excel tabeli (predmjer radova), u kojoj su date količinske i tehničke specifikacije radova, za stavku redni broj 1.2.2.d „Limun žuta, RAL 1012“, u koloni E *Jedinična cijena*, upisao ponuđenu jediničnu cijenu za navedenu poziciju niti je u koloni F *Ukupno* upisao ukupnu cijenu za navedenu poziciju, a koja predstavlja rezultat množenja količine i jedinične cijene.

Također, ponuđač „NERKAL“ d.o.o. Pazarić u istoj excel tabeli, za stavku pod rednim brojem 1.2.5.a „*vodeni 2K epoksidni temeljni premaz „Disbon 481 EP Uniprimer“. Potrošnja: 120-170 g/m2. Pakovanje 5 kg*“, u koloni E *Jedinična cijena*, nije upisao ponuđenu jediničnu cijenu za ovu poziciju. Tabela nije potpisana u skladu sa napomenom iz tačke 6.1.7. tenderske dokumentacije.

Dalje je Komisija II pregledom dostavljene ponude ustanovila da priložena Potvrda o uspješnoj realizaciji ugovora broj: 03-19-3530/24 od 19.06.2024. godine nije numerisana u skladu sa zahtjevom iz tačke 8.1.6. tenderske dokumentacije za predmetnu nabavku.

U skladu sa naprijed utvrđenim činjenicama Komisija II je konstatovala da je ponuda ponuđača „NERKAL“ d.o.o. Pazarić neprihvatljiva i da istu valja odbaciti u skladu sa članom 68. stav (4) tačka i) Zakona o javnim nabavkama.

Kao obrazloženje Komisija II je u Zapisniku o pregledu i ocjeni ponuda broj: 10/E-11-3838/24 od ~~24-06-2024~~ godine navela sljedeće:

Tenderskom dokumentacijom za izvođenje radova na sanaciji stepeništa Prušćakova, evidencijski broj nabavke: 10/E-11-3838/24, tačkama 6.1.6. i 6.1.7. je propisano:

- **6.1.6. Rekapitulacija svih radova kao i ukupna cijena radova navodi se u Obrascu za cijenu ponude (Aneks 2) koji je sastavni dio ove tenderske dokumentacije.**
- **6.1.7. Količinske i tehničke specifikacije radova date su u posebnom prilogu ovoj tenderskoj dokumentaciji kao EXCEL dokument, a koji je obavezan prilog ovoj tenderskoj dokumentaciji.**

Napomena:

Ponuđač se obavezuje da popunjene i od strane ovlaštenog lica ponuđača potpisane tabelle iz EXCEL dokumenta dostavi u ponudi u štampanom obliku.

U tački 8.2. tenderske dokumentacije (SADRŽAJ PONUDE) propisano je

- **Jedinične cijene za predmetne radove dostaviti u ponudi** (Predmjer – EXCEL dokument je prilog tenderskoj dokumentaciji), kao sastavni dio Obrasca za cijenu ponude (Aneksa 2). Dokument se dostavlja u štampanom obliku sa potpisom ovlaštenog lica ponuđača.

U tački 8.1.6. tenderske dokumentacije (PRIPREMA PONUDE), jasno je propisano:

8.1.6. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numeriše. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numerišu dodatno. Ukoliko ponuda ne bude čvrsto uvezana i numerisana na gore navedeni način ista će se smatrati neprihvatljivom i bit će odbačena iz daljeg postupka nabavke.

Izuzetno, ponuda neće biti odbačena ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji. Sve dopune i izmjene ponude moraju biti čitljive i parafirane od ovlaštenih osoba.

Ponuda je dokument koji priprema i podnosi ponuđač u postupku javne nabavke, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.

Prihvatljivom ponudom se smatra ponuda koja u potpunosti ispunjava uslove koje je u tenderskoj dokumentaciji postavio ugovorni organ, kako u pogledu dokazivanja kvalifikovanosti, tako i u pogledu ispunjavanja zahtjeva iz tehničkih specifikacija, kao sastavnog dijela tenderske dokumentacije. Da bi ponuda bila prihvatljiva mora ispunjavati sve zahtjeve definisane tenderskom dokumentacijom.

U tom kontekstu ponuđač je bio dužan upisati jediničnu cijenu za svaku stavku/poziciju navedenu u tehničkoj specifikaciji (excel tabela), koja je sastavni dio Obrasca za cijenu ponude – radovi (Aneks 2.) te iskazati ukupnu cijenu za sve stavke/pozicije radova koje su opisane u istoj, i za koje je ugovorni organ naveo potrebne količine i jedinice mjere. U konkretnom slučaju ponuđač „NERKAL“ d.o.o.

Pazarić je propustio upisati jedinične cijene za naprijed navede pozicije radova pod rednim brojevima **1.2.2.d** i **1.2.5.a** (*MOLERSKO-FARBARSKI RADOVI*), kao u ukupnu cijenu za poziciju **1.2.2.d**.

Također, ponuđač nije numerisao sve stranice ponude u skladu sa članom 58. stav (2) Zakona o javnim nabavkama („Službeni glasnik BiH“, broj 39/14 i 59/22), kojim je propisano da ponuda mora biti čvrsto uvezana i sve stranice ponude numerisane (izuzev dokaza o garanciji iz stava (1) tačka b) ovog člana, te štampane literature, brošura, kataloga i sl).

Također i Uputstvom za pripremu modela tenderske dokumentacije i ponuda („Službeni glasnik BiH“, broj 39/14 i 20/15), u članu 8 stav (6), propisano je da se stranice ponude označavaju brojem na način da je vidljiv redni broj stranice.

Javna nabavka je strogo formalni postupak koji je izričito propisan Zakonom o javnim nabavkama, a čije su načela/principe ugovorni organi dužni poštovati i primjenjivati u postupcima javne nabavke.

Članom 68. stav (4) tačka i) Zakona o javnim nabavkama pripisano je da je ugovorni organ dužan odbaciti zahtjev za učešće ili ponudu u slučaju da ponuda nije potpuna i ne ispunjava zahtjeve iz tenderske dokumentacije, a članom 69. stav (2) tačka d) istog Zakona je propisno da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

Na osnovu svih utvrđenih činjenica i okolnosti, Komisija II je ponudu ponuđača „NERKAL“ d.o.o. Pazarić ocijenila neprihvatljivom i istu odbacila u skladu sa naprijed navedenim zakonskim odredbama. S tim u vezi Komisija II je dala prijedlog Općinskom načelniku da u skladu sa članom 69. stav (2) tačka d) Zakona o javnim nabavkama donese odluku o poništenju postupka javne nabavke, iz razloga što dostavljena ponuda nije prihvatljiva.

Općinski načelnik je saglasan sa prijedlogom Komisije II koja je u postupku pregleda i ocjene ponude postupala u skladu sa Zakonom o javnim nabavkama, podzakonskim propisima i tenderskom dokumentacijom za predmetu nabavku.

Iz navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH“, broj 39/14 i 59/22), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda

broj: 10/E-11-3838/24 od ~~24-06-2024~~ . godine



Dostaviti:

1. Ponuđaču: „NERKAL“ d.o.o. Pazarić
ulica Bjelašnička broj 34, 71240 Hadžići - Sarajevo
2. Kabinetu općinskog načelnika – Odsjek za javne nabavke
3. Službi za stambene i komunalne poslove
4. Službi za finansije
5. U spis